

重脩浙江通志稿

第五九冊上
著述

地
240
42.1
54
音

重脩浙江通志稿

第五冊上 著述

前浙江通志館稿
浙江圖書館騰錄

內部資料

温州經籍

史部

以下正史類

宋史辨疑無卷數 明朱 諫撰

案諫字蕩南樂清人有學庸園說已載經部此書載千頃堂書目五温州經籍志八今佚



以下編年類

建隆編一卷讀書譜一卷皇朝大事記無卷數 宋陳傅良撰

案傅良瑞安人有周禮說已載經部建隆編據讀書譜志上玉海四十九作問基事要玉海四十七作續通鑑節要今依直齋書錄四文獻通考一百九十三宋史藝文志二國史經籍志三作一卷温州經籍志八有云止齋建隆編蓋就李氏續通鑑長編裁祖一朝事迹削繁補缺係以論說其體例具詳自叙進讀初稿名叔祖通鑑節畧曹叔遠上齋集叙則作進讀叔祖皇帝實

重修浙江通志稿

五九 著述

錄疑家藏本標題也至建隆編及問基事要皆止齋卒後門人刊行所改題故陳趙兩家著錄互異其卷數諸目所載作一卷或作十卷原書今既不存無可校覈蔡氏行狀曹氏止齋集叙及陳錄宋志並作一卷今姑從之然考李氏長編太祖紀自建隆迄開寶凡十七年止齋此書雖云節畧然大臣除罷政事因革一一詳載當非一卷所能盡趙氏讀書譜志所載十卷本亦即曹器遠所叙刻疑不能明未敢臆定此書明以來傳本久絕惟文獻通考各刊所載宋太祖時事下附止齋陳氏語無慮百數十條與趙書并所云隨事考訂並及累朝始末者悉合當即從此書采入其援証平議至為詳悉如有好事者以通考鈔出依李氏長編紀事先後重為排比當可見其大較也又讀書附志稱為秘書少監嘉王府贊讀時所進當在紹熙三年書錄解題以為慶元初在經筵所上兩說不同攷止齋文集載原叙首繫嘉邸進讀四字則必非寧宗即位以後所進蔡氏行狀載止齋纂此書亦在為秘書少監時陳說殆誤憶也讀書譜據直齋書錄四自伏羲迄春秋終以易書詩春秋諸經攷世代而增著之共和而下始有年數今無傳本温州經籍志據止齋文集三十六卷子齊第二書云下問讀書譜近方脫稿自畫易至獲麟聖賢調度盡在此卷若從頭商榷得到分數則異時出處定不草草以此蓋要圍樂

如未諭也。又辱為之叙。文意俱感。前發蕝祖以來諸賢。又及邵氏經世書。前輩未曾提擬。中間一二處未穩。更刪定方可。據此。則書譜同止齋備用之書也。不傳也。惜哉。丁叙亦不可見。惟藉止齋答書。知其略耳。皇朝大事記。據曾叔遠止齋文集叙。今佚。

列代年紀十二卷 宋王自中撰

案自中字厚軒。平陽人。宋史三百九十。並舊通志。及温州府志。平陽縣志。並有傳。此書一作歷紀年。今依宋元學案五十六。已佚。

成周大事譜無卷數 宋王奕撰

案奕字子陵。瑞安人。有周禮答問。已載經部。此書載萬曆温州府志十七。乾隆温州府志二十七。今佚。

重修浙江通志稿

五九 著述

通鑑綱目增釋無卷數 明孔克表撰

案克表字正夫。平陽人。元至正戊子進士。官翰林修撰。平陽縣志文苑有傳。此書據宋濂濠坡續集二原叙。稱克表歷考義理異同。凡朱子微意。先儒有未發者。及發之而未當者。皆備疏其綱之左目中。音義事証及名物度數之屬。亦不可不知。仍取史始胡三省羣書執中之名曰通鑑綱目增釋云。温州經籍志云。原書無傳本。文淵閣書目載孔克表通鑑綱目音訓一部一冊。闕。當即是書。刊本標題何異也。

東歐大事記四卷 清孫鏞鳴撰

案鏞鳴字韶甫。鄞。渠田。瑞安人。以進士官廣西學政。瑞安新志有傳。此書據通鑑及各家說部文集。紀温州大事。鈔本未刻。

方國珍亂郡考無卷數 清葉嘉楨撰 以下紀事本末類

案嘉楨。平陽人。有象義別聞。已載經部易類。此書據林培厚瑤香山館集十七。葉公墓志銘。鈔本未刻。民國壬申間。平陽劉紹寬重取而訂之。易名方國珍冠過始末。有歐風雜誌本。

國朝編年政要四十卷。國朝實錄列傳卷要十二卷。皇朝宰輔拜罷錄一卷。續百官公卿表二十卷。續百官表。貞疑十卷。備志無卷數。宋蔡幼學撰。以下別史類。

案幼學字行之瑞安人。有春秋解。已載經部。文獻通考一百九十七。國史編年紀要四十卷。國朝實錄列傳卷要十二卷。皇朝宰輔拜罷錄一卷。續百官公卿表二十卷。貞疑十卷。中其蕪文志。蔡幼學撰。幼學采國史實錄等書。為國朝編年政要。以擬紀起建隆訖靖康。又為國朝實錄。列朝以擬傳起國初。止神宗朝。又為宰輔拜罷錄。起建隆盡紹熙。年經而官緯之。又以司馬光百官公卿表。起建隆訖治平。乃為續表。終紹熙。經緯如宰輔圖。上方書年紀大事。下列官。詳記除罷遷卒月日。而大事止及靖康。後未及錄。以擬表。又為備志。以擬志。而未成。温州經籍志八。文懿編年政要。諸書。據通考引中其蕪文志。本以擬記表。志。備一代之史。然文懿卒時。備志尚未成書。諸子以政要等五種。分別刊行。故趙陳諸目。著錄。彼有山無。皆非全本。而魏鶴山作續百官公卿表。叙亦止。舉表及貞疑二書。不及他帙。今以文懿初意。六書。本牽連而作。著目於此。不復析。百官表入職官類。文懿為止齋高弟。然著述。元以後。流傳絕少。續百官公卿表。明時建江陳氏世善堂書目。尚著錄。今亦不復可。

重修浙江通志稿

五九

著述

三

得惟徐氏宋宰輔編年錄。引其文類。水心作文懿墓志。及宋史本傳。稱所著尚有年麻大事記。辨疑。攷讀書增志。載編年紀要。祖春秋之法。卷以司馬公舉要。歷呂氏大事記之例。魏氏表叙。亦有。今蔡公手稿。大事以。年麻云。則所謂年麻大事記者。疑即增編年政要及續百官公卿表二書。非文懿纂述。別有此目。辨疑亦即續百官表。貞疑。水心作誌時。各書或不相行。故紀列未能明。替。宋史依葉誌作傳。亦襲其文。不知與蕪文志。遺語也。

兩漢編無卷數 宋錢文子撰

案文子樂清人。有白石詩傳。已載詩類。此書據温州經籍志。引乾隆温州府志。二十七。而為歷温州府志。十七。編作志。

東都要略無卷數 宋戴 相撰

案相永嘉人。有春秋說。已載經部。此書據為歷温州府志。今佚。

宗通志五百卷 宋蔡 範撰

案範字遵甫。臨安人。文懿第四子。編宗通志五百卷。守衍化行山峒。終吏部侍郎。見宋元學案五十三。葉適水心集二十三。兵部尚書蔡公墓志銘。子範從政。郎監鎮淮酒庫。此書佚。

西漢通志無卷數 宋王 奕撰

案奕瑞安人有成周大事譜已載編年類此書見萬歷温州府志十七今佚
考定歷代紀年圖無卷數 明范觀撰

案黃淮介庵集十一齋苑處士墓碣銘處士諱觀字以光姓范氏一齋其別
号也父諱豹本陳氏子以母族無嗣故後之范之先自閩徙溫處士自少警
敏學博文暢而尤工於詩著述有一齋集四卷註杜詩三百篇考定歷代紀
年圖藏於家温州經籍志八云今佚

五代八國表無卷數 清葉嘉楨撰

案嘉楨平陽人有方國珍亂郡考已載紀事本末類此書見林培厚撰墓志
未見

中國通史二十卷 民國陳黻宸撰

案黻宸字介石瑞安人光緒癸卯科進士官主事浙江諮議局議長瑞安新
志有傳此書有北京大學印本詳於民生習俗之故世運遷移之迹推原究
末遠勝歷代官書也

清史要略四卷中國近百年史要一卷 民國陳懷撰

案懷字孟冲瑞安人黻宸兄子官山西縣知事清史要略分清室為岫其隆
盛衰弱滅亡四期有中華書局刊本中國近代百年史以道光二十年鴉片

重修浙江通志稿

五九 著述 四

一役為始至於革命起事凡百餘載遂章加以論斷有中華書局刊本

藩邸聖德事迹十卷 宗張 闡撰 以下雜史類

案開永嘉人。宋史三百八十一萬歷温州府志官業傳雍正浙江通志乾隆永嘉縣志名臣傳並有傳此書載同必太平園續稿二十一龍圖閣學士左通奉大夫致仕贈少師諡忠簡張公神通碑建炎以來朝野雜記乙集一又云紹興十二年正月丁丑制建國公建國公即考宗加檢校少保封普安郡王時年十六制下日者尤若納私謂秘書省正字張闡曰普乃並日二字合手易所謂明兩作離之象始天授也原註張闡記聖德事迹今佚萬歷温州府志十集合亦供

宣和禦寇紀事無卷數 宗曹叔遠撰

案叔遠瑞安人有春秋書法起例已載經部此書有李象坤序見刺庵集選略謂永嘉甌脫海外地望赤城西接括蒼南隣閩之福鼎各界萬山奸宄易匿而伏莽派突以山為蔓揭竿一起既必被兵自壬申迄今廿餘稔予耳予日厭苦兵鉅屢甲而登陴矣宣和禦寇郡令長且委去劉与石一寒疆師若弟奮螳臂与樓俾頤浙東西無堅城之寇獨窟於此撮土可不云偉男子記事出曹文肅叙述頗詳其所載到城為八界則守禦良法莫踰於此故能摧數萬蟻州之兇輸攻墨守卒固吾國云云原書據温州經籍志八未見

重修浙江通志稿

五九 著述 五

漢唐事要二十卷 宗錢文子撰

案文子樂清人有白石詩傳已載經部詩類此書據玉海四十九作二十卷温州經籍志八今佚

開禧德安守城錄無卷數 宗王致遠撰

案致遠永嘉人舊通志及乾隆温州府志永嘉縣志義行傳並有傳此書據温州經籍志八有云記其父忠敏公允初守德安事開禧二年十二月金人圍德安府郡守李師尹懦弱不習兵事允初特為通判凡戰守事師尹悉付之允初始招棗陽潰兵二千一百人以為守措置多方出奇制勝凡被圍者百有八日金人百計攻之不能破至三年三月竟罷去致遠在圍城中記其事為此編其書世無傳本惟瑞安王氏譜尚載全帙同治丁卯家大人授王叔劬考廉旬宣借錄之卷首曹氏約序以永樂大典李昌集所載校之卷合又記中所記攻守之具若犒車洞子對樓諸物与陳規守城機要類萬年表陸守城錄所載亦同又急教授陳之經告急行在事亦与水心集二十五陳益之墓志可以互證信非後人所能偽作允初宋史無傳其守德安事詳宋紀竟屬之李師尹不及允初名非此書尚存幾不翼守禦之績矣致遠所記亦詳志如記金人犯隨州隨守雷世忠棄城遁去德安被圍時宣撫使檄都統

制王期孫鐸量世雄等赴援期等擁兵不進皆宋史所未載又記金人以開禧元年十一月壬午破棗陽軍乙丑破隨州乙未圍德安府而宋史寧宗紀作辛巳破棗陽軍壬午破隨州十二月戊申圍德安府蓋史據奏報之文因不若致遠日觀之得實則此書卷帙雖少而可正史文之駁誤不徒以罕覩見珍也致遠省府志人物傳僅載其義行歷官未詳此書卷首繫銜稱文林郎監襄陽戶部大軍倉據王世鐸序則終于提刑萬歷溫州府志官績傳王允初傳均載致遠以父蔭知慈溪縣累遷湖北省提刑改知台州名為吏部郎不赴所載官秩較通志府志畧詳周天錫慎江文類四十載所作上本郡請謚書言賞錄賞功訓詞及守城始末乞與定謚蓋即指此書矣有瑞安孫氏永嘉叢書本有

本朝事實十冊 宗林公一撰

崇公一樂清人有論語類說已載經部四書類此書據溫州經籍志八引蒙川遺稿四合佚

復漢錄無卷數 宗王 奕撰

崇奕瑞安人有成周大事譜已載編年類此書載萬歷溫州府志十七合佚素翁錄無卷數 明無名氏撰

重修浙江通志稿

五九 著述

崇嘉慶瑞安縣志九素翁錄元季人撰不著姓氏按素翁本傳所錄多紀時變今佚

欽明天獄錄二卷 明張孚敬撰

崇孚敬永嘉人有皇勝辨疑已載經部尚書類此書據溫州經籍志八嘉靖六年九月孚敬以兵部尚書署掌都察院事時編述所載顏頤壽等會鞠李福遠等奏及孚敬與桂萼方獻夫等覆鞠分李福遠張寅為二人並搜獲大學士賈詠等私書及議定馬錄等罪名諸奏悉具錄全文並附以批答諭旨可攷見當時獄牘格式其所載諸臣定罪始末尤足與明史參証惟明史馬錄傳傳大理少卿徐文華與李璋李璋章綸馬彥等同謫戍極邊遇赦不宥據此則孚敬等初議文華定罪後四年以情重奏請發落詔改發邊衛充軍與張等遇赦不宥者不同文華本傳亦云遣戍遼陽遇赦道卒與此錄合則馬錄傳偶誤也又此錄載給事中劉琦陝西洛川縣人故得知李福遠逃洛川特事明史琦增馬錄傳傳洛陽人亦誤張文忠集奏進六獄錄訊併刊印千七百部又請令內外各衙門翻刻頒行明史世宗疏亦併嘉靖六年頒以書於天下然世間傳本絕少近時儲藏家惟克氏天一閣書目二而有著錄兵燹後不知存佚余家藏本以儀徵劉恭父副貢壽曾所弄明寫本景錄亦

罕觀之秘笈也

丙寅紀事無卷數 明王光經撰

案光經永嘉人乾隆温州府志循吏傳乾隆永嘉縣志任績傳並有傳温州
經籍志云此書不傳不知所記何事攷光經舉萬曆丁未進士歷官在天啟
間丙寅為天啟六年是年魏忠賢方興大獄殺周啟元周順昌高攀龍繆昌
期李應昇周宗建黃尊素諸人又修三朝要典頒之天下此書或即記魏忠
賢擅權始末也

聖紀綱目無卷數 明伍鼎撰

案温州經籍志八鼎平陽人平陽舊府縣志無攷此書載平陽縣志十有兵
道南洙源序洙源山東濮州人康熙八年為分巡溫處道見乾隆温州府志
職官門則此書國初尚存今則未見傳本

建文遺史無卷數 明鮑端撰

案端瑞安人事跡無考此書載嘉慶瑞安志九今佚
列朝私紀三卷 清周天錫撰

案天錫永嘉人有周易本義翼已載經部易類此書載温州經籍志八有瑞
安孫氏避學齋藏鈔本存又有兩朝私紀載花萼樓集佚

重修浙江通志稿

五九 著述

七

平陽歷朝寇警錄無卷數 清葉嘉楨撰

案嘉楨平陽人有象義別開已載經部易類此書載林培厚撰墓志又有輿
圖詳考史論無卷數均未見

錢虜爰書一卷 清黃體芳撰

案體芳字漱蘭瑞安人同治癸亥會元官通政使瑞安新志有傳此書見孫
衣言遜學齋文鈔會匪紀略序載本邑咸丰間金錢會匪事實鈔本未刻同
時又有瑞安林夢楠瀕江戰守日記劉祝封錢髮紀畧張慶葵勦匪記皆紀
金錢會匪及髮逆餘党滅亡事與孫著會匪紀略黃著錢虜爰書可備異詞
也均存

紅寇記一卷 清林大椿撰

案大椿字恒軒樂清人道光時歲貢樂清新志有傳此書有永嘉黃氏敬鄉
樓叢書本記其邑紅橋罹振漢燭亂事篇幅不多尚簡要有史筆

劉氏制誥集無卷數 宋劉安上撰 以下詔令類
按安上字元礼永嘉人紹聖四年進士官錢塘尉永嘉縣志儒林有傳此書
載續文獻通考一百七十六合佚
內外制十五卷 宋林待聘撰

樂待聘平陽人舊通志及乾隆温州府志名臣傳乾隆平陽縣志官業傳並
有傳温州經籍志八內外制焦氏經籍志著錄則明時尚有傳本徐自明宋
宰輔編年錄十六載紹興十一年岳飛除樞密副使及羅樞密副使兩制劉
一止若溪集五十五均載紹興九年一止除給事中制此外別無所見
外制二卷 宋何逢原撰

樂逢原樂清人有周易集解已載經部易類此書載五十明梅溪後集二十
九何提刑墓志及温州經籍志八今佚

制誥集五卷 宋陳傅良撰

案傅良瑞安人有周禮說已載經部此書見蔡幼學所作陳公行狀今本上
齋文集載內外制凡九卷卷十內制卷十一蓋曹文肅編定時所折也

育德堂外制集八卷內制集三卷 宋蔡幼學撰

案幼學瑞安人有春秋解已載經部外制集據直齋書錄解題十八文獻

重修浙江通志稿

五九 著述

八

通考二百四十一國史經籍志五著錄温州經籍志八云已佚黃群敬鄉樓
藏書二集有育德堂外制集五卷以舊藏影宋鈔本邊刻併原本每葉八行
每行十八字每卷首尾皆有影撫印記在卷首曰毛辰之印曰芥李曰永嘉
蔡昭祖宗文印目錄首葉亦有之在第三第五兩卷末葉曰毛辰字芥李別
号省庵曰叔鄭後人曰中吳毛芥李圖書記曰毛姓秘玩曰永嘉蔡氏文懿
世家曰与靖堂是殆可為原書曾藏蔡氏本家及汲古毛氏之証士禮居所
刊汲古閣珍藏秘本書目又未錄此書也宋宰輔編年錄采疏其嘉定元年
二年趙史兩制檢舊藏編年錄鈔本對勘趙制見第四卷文字与編年錄相
有異同而史制五卷以上無之當在以下某卷中是証是書之為殘佚也又
前後無序跋疑蔡氏原有內制三卷序或在內制之前而外制既佚其後數
卷雖有跋尾無能復見尔 宋史藝文志七傳幼學有育德堂集五十卷嘉歷
徽垣制稿無卷數 宋劉 徽撰

案徽字蒙川諡忠肅樂清人宋史四百五舊通志忠臣傳温州府志忠節傳
咸平樂清縣志忠烈傳並有傳此書據劉應奎蒙川遺稿叙有云先伯氏蒙
川先生生平無他嗜好惟彈精畢思於文字間凡所著述与陳坡奏牘徽垣
制稿經惟納獻若干卷今皆散落不復見矣温州經籍志八此書今佚

內外制稿無卷數 宋王 埴撰

宋高層温州府志十一王柎孫埴亦貴顯温州經籍志八又云萬曆府志載文門載內外制稿北山游集注王基撰雍正通志乾隆府志經籍門並同各志人物傳無王基惟乾隆永嘉縣志經籍門載北山游集王埴撰萬曆府志人物傳合今從之原本佚

勅諭錄二卷 諭對錄三十四卷 明張孚敬撰

案四庫提要云諭對錄孚敬撰孚敬初名璉字秉用永嘉人官華蓋殿大學士謚文忠事跡具明史本傳孚敬以議禮被遇六年而東大政甚為世所詬病而世宗眷禮不衰每憚少師羅山而不名嘗諭孚敬朕有密諭毋泄朕有諭學志親書又仿楊士奇故事賜孚敬銀章二以便封奏前後所奉手敕凡三百八十一道因彙為一書并奏對劄子皆隨事附之於後蓋孚敬既歿其孫汝紀汝經等所裒輯也温州經籍志八則云勅諭錄據國史經籍志一浙江采集遺書總錄丁作一卷千頃堂書目五明史藝文志二作三卷明刻本作二卷同治己丑於杭州購得瑤綸閣原刻實公上下二卷上卷世宗勅諭三十通下卷世宗勅諭五通皇太后勅諭一通首題少師兼太子太師吏部尚書華蓋殿大學士臣張孚敬謹錄末題孫四川龍安府知府臣張汝紀謹

重修浙江通志稿

五九 者述 九

輯光祿寺珍羞署署丞臣張汝經謹閱諭對錄有山陰朱賡楚人楊鶴晉江蔣先光海虞陸問札叙蒲坂楊博武進薛應旂等跋自大祀大獄外凡軍國大事以至郊祀冠服制度更定無不与議其諭旨奏劄志載此錄故雖私家之書而世宗初政大畧十具七八與勅諭錄修陳恩眷者固是不同亦讀史者所宜參核矣

諭音錄無卷數 明周文穎撰

案光緒永嘉志藏文穎字孺子号石室永嘉人萬曆己酉舉人新淦令此書有周天錫代音後略云臣家自始遷祖至今為世十相僅千耳而被賜八人者或以身或以子孫至於房闈之內或从夫或从子或从孫皆有以勅九重之聽而寵錫渥至且起而近天顏正天語者猶未艾也嗚呼亦幸矣敬稽首盟手莊錄之臣敢藉是對揚天子休命原本今佚

林待聘奏議四卷 宋林待聘撰

以下奏議類

案待聘平陽人有內外制已載詔令類此書見乾隆平陽志十九遂初堂書目無卷數温州經籍志八已佚

張闡奏議無卷數 宋張闡撰

案闡永嘉人有潘邠聖德事迹已載雜史類此書載周必大平園續稿二十

一今佚又有經筵講義故事亦佚

梅溪奏議三卷 宋王十朋撰

案十朋樂清人有尚書解已載經部尚書類此書見直齋書錄二十二國史經籍志五作四卷百川書志十八作五卷天一閣書目二之一作二卷温州經籍志八則云梅溪奏議宋時有單行本見書錄解題元以後無傳本甬上范氏有明朱元誥刻本序略曰江陵舊刻二十餘卷今祇四十餘篇手錄一冊付梓其書今亦未見攷明正統本梅溪集首載奏議四卷并廷試策為五卷奏議凡四十八篇元誥所刻殆即集本錄出然集本附王同禮跋云先君文集合前後並奏議五十四卷始熙壬子錄本江陵是明槧即從江陵本無所謂二十餘卷者且集本奏議內兩載如勅史浩史正志龍大淵諸鉅製志在其中末卷并載代他人作奏狀十二通編錄至為詳備後集二十一別載

重修浙江通志稿

五元

著述

十

奏狀十七篇其六篇已佚亦增載其目不當更有缺佚如此之多朱叙所云未足信也

薛恭翼公奏議十卷 宋薛叔似撰

案叔似永嘉人謚恭翼宋史三百九十七萬歷温州府志官業傳雍正浙江志乾隆永嘉縣志名臣傳並有傳此書載温州經籍志八今佚萬歷温州府志有永嘉縣志二十三傳叔似有薛文節集無卷數今無傳本

東齋表奏二卷 宋陳峴撰

案峴平陽人萬歷温州府志官業傳舊通志及平陽志名臣傳並有傳此書見宋史藝文志七今佚峴有東齋集見西

經筵口奏故事無卷數 宋葉味道撰

案味道永嘉人有周易會通已載經部易類此書載宋史儒林傳八温州經籍志八今佚

諫坡奏贖經惟納獻無卷數 宋劉徽撰

案徽樂清人有薇垣制稿已載詔令類二書載温州經籍志八引劉應奎蒙川遺稿叙通先樂清志十一以經惟納獻作獻納誤也今佚

章恭毅公奏議一卷進思錄一冊 明章綸撰

案論樂清人明史一百六十二萬歷温州府志忠臣傳雍正浙江通志咸豐樂清志名臣傳並有傳天一閣書目二之一章恭毅公奏議刊本首尾殘缺浙江通志作章恭惠公奏議誤也進思錄亦見天一閣書目併有刊本卷首氏族實紀云公本吳姓中更襲章姓而重於復至曾孫廣西奏議朝風入仕籍始克承先志奏歸本宗嘉靖三十七年戊午刻是集未見

奏對稿十二卷張文忠公奏議七卷 明張守敬撰

案四庫提要云奏對稿十二卷明張守敬撰守敬有論對錄已著錄論對錄備載世宗容諭即當時奏章併載於中共三十四卷此編乃萬曆中巡撫浙江御史楊鶴所選凡十一卷視原集汰三之二第二卷附刻序文十九篇蓋刪繁舉要以便流傳然李綱奏議六十九卷為世所貴不病其多而難讀也田錫奏議一卷為世所貴亦非取其少而易竟也張文忠奏議據天一閣書目二之一作羅山奏議萬歷温州府志十七作羅山奏議惟國史經籍志五千項堂書目三十作張文忠公奏議温州經籍志八又云張文忠奏議學行本未見惟貞義書院本張文忠集首為奏議八卷末有張汝紀跋云先太師奏疏在日已刻傳佈海內是學行本刻於文忠未卒以前焦志及黃范兩目著錄即是本至張汝紀補輯其第八卷皆嘉靖十一年文忠致政後所上奏

重修浙江通志稿

五九

著述

十一

疏未綴張遊業進遺疏謝卹典請改葬三奏初刻本皆無之故較集本少一卷

滇南奏議刑名奏議無卷數 明王 諱撰

案諱字竹巖永嘉人浙江通志名臣傳萬歷温州府志宦業傳乾隆永嘉縣志仕績傳並有傳王世貞余州山人四部續編十六為諱墓表又云王公諱按雲南久旌廉吏德貪墨接豪俠卹孤贊揚主威德於萬里外為諸方冠其它善事不可勝紀其為大理則平剗三尺所謂賣休買休日貧民弃其婦愆之可而奈何傳之奸而辱之於是司寇廷辨上是公著為令所著有滇南奏議祥刑議大學衍義通略若干卷今浙江通志二百五十二有二目惟以祥刑議作刑名奏議耳俱佚

侯君霖疏草無卷數 明侯博邦撰

案温州經籍志八侯知府博邦二界布政一元子乾隆温州府志道光樂清志循吏傳並有傳侯君霖疏草存縣志經籍門並題侯應賓撰應賓為博邦子亦見府縣志循吏傳然君霖為博邦字則疏草當為博邦所撰或應賓編次刊行修志者不改而題其名猶張文忠論對錄萬通志有志別題張汝紀今改正之原本佚

西臺奏議無卷數 明李光春撰

案光春樂清人雍正浙江通志乾隆温州府志名臣傳道光樂清志仕績傳並有傳温州經籍志八西臺奏議久佚不傳惟慎江文徵八載劾魏忠賢疏陳議綬切足現夙節惜所存止此一篇也

容臺疏稿理屯疏稿無卷數 明周應期撰

案應期永嘉人有家礼正術已載經部棟礼類二書見雍正浙江通志二百五十二今佚

紀錄存續諫垣奏議揆垣封事無卷數 明李維樾撰

案維樾字蔭昌号素園瑞安人雍正浙江通志武功傳乾隆温州府志嘉慶瑞安縣志循吏傳並有傳諸書載温州經籍志八云俱佚黃群故鄉樓叢書一輯有諫垣奏議刊本林增志為序凡十九篇係瑞安張振軒明經桐家藏鈔本別有嘉慶瑞安志及慎江文徵所載凡七篇為補遺合訂一帙故鄉樓叢書四輯復載諫垣奏議補遺八篇為瑞安孫孟晉總纂延劍家藏鈔本凡八篇與張藏本先後年月可以互証詳黃群原跋不具錄

留有焚餘一卷 明陳堯言撰

案堯言永嘉人雍正浙江通志乾隆温州府志永嘉縣志名臣傳並有傳此

重修浙江通志稿

五九 著述 十二

書載千頃堂書目三十温州經籍志八今佚

孔顏孟三氏誌六卷

明劉

濬撰

以下傳記類

案萬曆温州府志十九濟永嘉人景泰庚午舉人官教諭此書據四庫提要云濟永嘉人成化中官鄞縣教諭鄒孟子所生地孟廟在焉濟因考証孔顏孟三氏世系以及廢崇諸典彙輯成書先以地圖次以世系年譜次以廟制次以誌事均述聖於卷後而前列提綱一卷則壬子四月紫陽楊與所述東游記也壬子為元憲宗二年濟於壬子下注云元憲宗滿祐十二年紀年既誤又以宋理宗年号移於元殊為詭舛即此一端他可概見矣

右聖賢

東坡陽羨譜無卷數

宋戴

栴撰

案栴字敬忠永嘉人給子此書據温州經籍志八引永嘉戴氏錄本宋故朝詰大夫直學章閣主管冲佑觀永嘉開國男戴公行狀稱栴開北盟會編病其煩并欲刪正成書未遂而卒又以周益公譜坡仙陽羨事未翔實右宜且訪故老別具譜今板置縣齋孫氏詒讓謂栴舊有縣志無傳所譜東坡陽羨事亦未著錄今據戴氏所錄行狀補入東坡元豐八年改汝州團練副使上書請居常州報可後建中靖國元年自僱耳還卒於常事詳宋史三百三十

重修浙江通志稿

五九

著述

十三

八本傳及史能之咸淳吳陵志十八敬忠嘉定十一年四月以承事郎知宜具故為譜其事板置縣齋也今佚

家傳無卷數 宋戴仔撰

案仔字守鑰永嘉人有易傳已載經部此書據温州經籍志云舊府縣志未著錄惟王朝佐東嘉先哲錄五載蓋運蒙下引之其紀蓋運初假閩門舍人戴勳更名登應國子試中第後復舊名應鄉舉事始末甚詳蓋其書明時猶存今佚

武侯遺事無卷數 宋王 奕撰

案奕瑞安人有成周大事譜已載編年類此書載萬曆温州府志十七温州經籍志云佚

馬元帥救荒事實無卷數 元林萬里撰

案萬里永嘉人舊府縣志無傳此書據温州經籍志引袁栴清容居士集五十有書後一篇稱司獄永嘉林君萬里稟次元帥馬公救荒事實一巨編俾有言馬公名字亦無考原本今佚

趙魯國公政錄無卷數 元李孝先撰

案孝先樂清人有春秋述始已載經部此書據道光樂清志十一陳德永李

五奉行狀云生平著作有趙魯國公政錄魯公才美冠世逮事七朝為國元老能以禮下公温州經籍志云趙魯國公趙世延也元史一百八十有傳五奉政錄今無傳本府縣志亦未著錄今據行狀補入

卓忠貞年譜無卷數 明黃潮光撰

案潮光瑞安人萬曆温州有志文學傳嘉慶瑞安縣志文苑傳並有傳此書據千頃堂書目十宣德中卓敬門人黃潮光編今佚

章恭毅公年譜一卷 明章玄應撰

按玄應字曼亭梁清人恭毅公給子明史一百六十二州章給傳萬曆温州府志官業傳雍正浙江通志道光梁清縣志名臣傳並有傳此書據千頃堂書目十章給子南京工部給事中玄應編天一閣書目二之一章恭毅年譜一冊刊本明成化南京禮部侍郎梁清章給大經氏生卒攷子玄應述宏治己未長沙李東陽序近時黃群敬鄉樓叢書四輯有印本

忠愛遺情錄無卷數 明章忠孔撰

按忠孔字承源梁清人玄梅子侯一元章千峯墓表有云生忠孔其行廉直詩清峭庶幾不愧先生者此書見道光梁清縣志十一未見

閩德編一卷 明章希邁撰

重修浙江通志稿

五九 著述

十四

按希邁梁清人元梅曾孫此書載道光梁清縣志十一是書專述元梅官湖口治績始名忠愛遺情錄乃元梅子忠孔所述希邁益以侯一元墓表文及舊藏家書五別易今名未見

張文忠世家無卷數 明張汝紀撰

按曾唯東甌存二十四汝紀字仲理号太衡永嘉人字敬孫此書有永嘉張氏刊本温州經籍志八併太衡為太僕丞遜業次子文忠所著書並其刊行明紫諭對錄卷首刊職名太衡繫銜為四川龍安府知府前刑部廣東清吏司郎中後不知終於何官也

志貞錄三卷附錄一卷 明李維樾林增志撰

按維樾瑞安人有諫垣奏議已載奏議類增志字可任亦瑞安人官少詹事乾隆温州府志嘉慶瑞安縣志循吏傳並有傳此書載四庫提要五十七誤以維樾增志為吉州安福人今為更正提要又云是編為其同里卓敬而作卷一為遺稿詩十九首序二首誌銘一首冠以像贊及遺稿序卷二卷三為後人記載題詠詩文附錄黃養正陳茂烈二傳皆敬鄉人然養正為敬門人又死土木之難其附錄為宜茂烈於敬別無淵源又以棄官養母終於鄉里其事截然不類附之忠貞錄中名實舛矣故非惟死節慷慨震耀千古即於

蔡燕王朱朝之時，密請棄其不意，從封之於南昌，計亦良善。其既雖無完本，劉球所作傳，尚載其略，不錄之於遺稿中，亦編次之疏。故在明初，不以詩名，所作卷之有氣格，五言之小舟衝浪出，小鳥背人飛，七言之白雲忽去山在戶，紅日乍晴人倚闌，絕句晚眺云：流花溪上雙楠木，老社草堂生夏寒。門外青山三十六，讀書終日依闌干。題山水云：長松雨過紅聲滿，日日携琴自往回。安得扁舟乘晚興，載將山色過江來。栽梅云：凡派東閣題詩客，灑洒西湖賣雪冷。江深無夢到，自鋤明月種梅花。亦皆有致，惜所得不多，不能自為一集，故從崔與之集例，入之傳記類。

報國錄一卷 明劉士煜撰

按乾隆溫州府志十九，士煜永嘉人，明崇禎壬午舉人，閉戶著書，時人重其學行，東甌詩存三十，士煜字受強，此書載溫州經籍志八，引李象坤刻庵集，遂原作序文，略謂：遯國忠臣，吾甌惟卓忠貞為最著，東湖樵夫，則台人爭欲得之，疑案未釋，編修劉公諱現，永嘉人，其大節見於革除遺事，秀水屠公叔方輯建久，案編次公名第四，乃郡史書弗載，詢之故老，幾同舉漢魏以上事，某履交公之後，人受鞠君，因出宗譜閱之，輯報國錄，珍諸笥中云云，則此書本記劉現事行而作，未見。

重修浙江通志稿

五九

著述

十五

林侍宸傳記無卷數 清李象坤撰

案象坤字叔庵，樂清人，明季歲貢，乾隆溫州府志，道光樂清縣志，文苑傳，並有傳，此書今佚，惟原序載叔庵集題，蓋記林靈素以方士受知宋徽宗始末，取國史郡縣為正傳也，他撰為外傳，其奈載諸書者，輯為遺事，統名曰林侍宸傳記，非曰傳其人也。

王忠文年譜一卷 清徐炯文撰

案炯文字翔雲，樂清人，有經義已載經部，此書見咸平樂清志十一，溫州經籍志云：增刻唐傳姓重編梅溪集之首，首尾僅五葉止，據宋史本傳及汪玉山所作墓志，按年排比，間及集中詩文歲月，殊疏畧，不足資攷核也，存。

劉蒙川年譜一卷 清林天椿撰

案大椿字坦軒，樂清人，有紅寇記已載雜史類，此書載蒙川遺稿卷首，溫州經籍志云：咸平丁巳，樂清劉氏以聚珍版重印蒙川遺稿，大椿任校勘之役，乃次忠肅遺事為譜，增印以行，其攷忠肅率太學生上書論陳瑛蔡榮為溥，祐十一年事，在上書攷丁大全之前，以訂宋史本傳之誤，攷証頗為精核，惟中興館閣續錄九載忠肅咸淳二年三月，以太學博士召武館職，四月除正字，三年正月以正字除校書郎，遺稿四林道初墓志，作於二年十月，亦自題